



DISPUTATIO JURIDICA INAUGURALIS, ²⁴

DE

ADVOCATO

FISCI, ^{1727/3}

EJVSQVE OFFICIO, ¹¹

QVAM

DECRETO ET AVCTORITATE

AMPLISSIMI & EXCELLENTISSIMI

JVRISCONSVLTORVM

ORDINIS,

IN ILLVSTRI HAC ACADEMIA

MARPVRGENSI,

PRO

SVMNIS IN VTROQVE JVRE HONORIBVS ET

PRIVILEGIIS DOCTORALIBVS RITE CONSEQVENDIS,

PVBLIGÆ AC SOLENNI

SENATVS ACADEMICI

CENSVRÆ SVBICIT,

AD DIEM AVG. M. DCC, XXVII.

H. L. C.

ARNOLDVS IKEN, Bremensis,


MARBV RGI CATTORVM,

TYPIIS PHILIPPI CASIMIRI MÜLLERI, ACAD. TYPOGR.

DEO,
PATRIÆ,
PARENTIBVS,
PATRONIS,
AMICIS,

DISSERTATIONEM HANC INAUGURALEM
PIO ET HUMILLIMO OBSEQVIO

D. D. D.
A V T H O R,



I N D N I C

PRÆFATIO.

Cum omnium fere moratorum gentium laudabili more receptum sit, ut antequam aliquis Titulum Doctoris capeßere, aut exoptatum illud culmen ascendere possit, in Academiis præmissis legitimo examine, thema aliquod eruditionis suæ in publicum edat, ac testatum faciat, quantos in studiis fecerit progressus, & num legitime in numerum Doctorum receptus sit, ego eandem viam instam, pro consequendis summis in utroque Jure honoribus. Materiam non ignobilem inauguralem, de *Advocato Fiscii ejusque officio* elegi, cum ex *Clementia Illustrissimæ Comitissæ Regentissæ in Bentheim, Steinfurth, &c. Domine meæ Clementissimæ*, nec non *Gratiosissimæ Confirmatione Illustrissimi Domini Successoris Friderici, Caroli, Belgici, Comit. in Bentheim &c.* Spartam *Advocati Fiscii* per integrum *Comitatum Steinfurthensem* ultra annum, gratiosè possideam. Quam gratiam devota semper exosculabor mente, & me meaque studia ulterius humillime commendo, nec deero pro viribus etiam, spartam quam nactus sum proporro exornare; Lubentissime tamen agnosco imbecillitatem meam, in gravi hac materia pro dignitate exponenda. Satis habebō, de quo mihi gratuler, si Patriæ

A 2

Cha-

Charissimæ, Illustr. Dn. Dn. Comitibus, Matri meæ dilectæ,
 ac Cognatis optimis, ut & publico satisfecerim, meque omni-
 no non tempus, sumptusque quos in studia erogavi inutiliter
 collocasse ostendam. Potuissim quidem cum Thrasone
 quodam alieno arare vitulo, sed cogitavi, me non dissimi-
 lem fore istius Graculi de quo PHÆDR. in fab. 3. Lib. 1.

*Tumens inani Graculus superbia
 Pennas, Pavoni quæ deciderant, sustulit
 Seque exornavit; Deinde contemnens suos,
 Immiscuit Pavonum formoso gregi.
 Ibi impudenti pennas eripiuntur avi,
 Fugantque rostris.*

Nec non illi de quo Clar. ZAVNSCHLIE. in *Peric. Acad.*
ad L. 57. ff. mand. in Epist. ad Consult. PAGENSTECH. Qui
 ex umbria Doctor, aut fraterculus Gigantum (id e. ter-
 ræ filius ignotus JUVEN. *Satyr. 4. v. 98.*) cujus fama ut
 Praefecti Urbis potestas *L. ult. ff. de Offic. P. Urb.* ultra ur-
 bem sese non extenderet; Qui ad Titulum Juris Cano-
 nici de Frigidis & Maleficatis pertineret, aut fieret Profes-
 sor in actu signato, non in actu exercito, secundum dici
 non secundum esse, annua bima trima die legeret pu-
 blicæ, disputans nunquam nisi cum rixosa sua Juno-
 ne &c.

Idcirco errores si qui irreperint, aut condonabit B. L.
 aut si quid subtiliorem requirat limam, ipsemet artificiosam
 manum admovere non gravabitur. Uno verbo, quicquid
 meæ deest facultati, suo favore supplere velit rogo.



Etymologia Fisci.

NE vero in ipso principio impingam, antequam rem ipsam aggrediar, juxta ULP. doctrinam in *L. 1. pr. ff. de J. & J.* ut & PAUL. *L. 1. pr. ff. de A. vel A. poss.* prius quid verba significant, inspicendum erit, licet potior rerum haberi soleat ratio *L. 7. inf. ff. de supill. leg. L. 1. ff. de reb. cred.*

Dicitur autem Fiscus quasi fixus, eo quod semper sit solvendo & idoneus *L. 2. ff. de fund. dot.* vel quod sit stabilis nec unquam moriatur. PEREGR. *de l. F. l. 1. c. 1. n. 37.* Fiscus sacculus est publicus, unde & Fiscus, Fiscellæ & Fiscinæ dicuntur; apprime PHOEDR. *l. 2. fab. 7.*

Muli gravati sarcinis ibant duo,

Uno ferebat Fiscos cum pecunia.

Sive à Fiscis nam fiscinæ & fiscellæ spartea sunt utensilia ad majoris summæ pecunias capiendas GAIL. *lib. 1. obs. 20. n. 3* Erarium enim reipublicæ est die Geld-Casse, Rent-Cammer. Sub libera quippe republica, distinctio intur Fiscum & Erarium erat incognita, hinc SVET.

in Claud. c. 18. *positis ante secum pecunia fisci*. Fiscus est quasi vas quoddam capacious, Cophinus, sporta seu loculus Clar. LYNCKER. in *anale&. ad synt. J. C. STRVV. l. 49. t. 14. thes. 32.* WISSENB. ad ff. *dispositio 39. thes. 1.* differt autem Fiscus ab æratio, quod ærarium post occupatam rempubl. fuerit populi, Fiscus autem Principis l. 1. §. 4. ff. *ne quid in loc. publ.* Sicuti exemplo nobili declaratur ap. PLIN. Traj. *at fortasse non eadem severitate Fiscum qua ærarium cohibes: Imo tanto majore, quanto plus tibi licere de IVVO, quam de PVBLICO credis, & SENEC. de Ira l. 7. c. 6. Cesar omnia habet, Fiscus ejus privata tantum ac sua, & univversa in imperio ejus sunt, in Fisco propria.* Alii quia major summa est pecuniæ publicæ quam privatæ, factum est ut Fiscus pro pecuniâ publicâ & inde confiscate dicatur, ut docet ASCON. PEDIAN. Vide etiam BYDAEVM ad *tit. de offic. quæst.* Procedente etiam tempore sub Imperatoribus Græcis, hæc inter Fiscum & Ærarium distinctio fuit extincta l. 2. *inf. de offic. Com. Sac. Pal.*

Fiscus civili sensu definitur seu describitur, Universitas quædam seu patrimonium ipsius Principis (qui summam habet Majestatem in republica) comprehendens varias utilitates & jura Principi qua tali competentia: unde res Fiscales dicuntur, quasi propriæ & privatæ ipsius Principis qua talis l. 2. §. 4. ff. *ne quid in loc. publ.* Proprie enim in Patrimonio Principis non sunt: quæ causa, quod locus Cæsaris, de quo fit sermo in §. 39. J. *de rer. div. desertè* opponatur loco fiscali, nec non quod duo Comites facti sint, unus qui substantiæ fiscali præesset, alter qui propriæ: Hic Comes rerum privatarum; Ille Comes Sacrarum Largitionum frequentius salutat *tit. C. de off. Com. Sac. Larg.*

De

De Advocatis in genere.

Cognita Fisci definitione paucis etiam considerandum est vocabulum Advocati. Originem trahit à verbo *advoco*, quod significat aliquem ad se vocare alicujus rei gratia, uti occurrit in *l. 18 ff. rem. rat. hab.* & dicitur is qui desiderium suum, vel amici, in jure apud eum qui jurisdictioni præest exponit, vel alterius desiderio contradicit *l. 1. §. 2. ff. de postul.* vel proprie qui præscripta litigandi formula defendit eos à quibus consulitur; *Ulp. in l. 1. §. 11. ff. de extraord. cogn.* dicit Advocatos accipere debemus omnes omnino, qui causis agendis quoque studio operantur; Interdum etiam dicuntur Patroni causarum *l. 5. C. de Adv. div. jud. l. 1. §. 4. ff. de postul.* item *Togati l. 3. & 15. c. de Adv. div. jud.* Celeb. *ZAVNSHLIE. in dissert. de milite tog.* *CAVSDICI l. 6. C. de postul.* ut & Oratores Maximi, Justitiæ Satellites & Judiciorum Athletæ optimi §. 6. *Const. omnem reip. ff. de concept. digest.*

Veterum temporibus fuit quædam differentia inter Patronos & Advocatos; Illi causas in foro agebant; Hi Advocati in consilium sollicitabant, quod & Romanæ eloquentiæ Princeps pro Cluent. *cap. 40. narrat* ad *LAVR. VALL. l. 4. c. 12. Elegant.* Qui hanc addit differentiam, quod Patronus proprie sit qui agit causam, sed accusati non accusantis, Advocatus vero appelleretur etiamsi nihil dicat neque agat sed tantum paratus sit defendere. Hodie autem his nominibus abutimur & pro iisdem habemus; Sic advocamus Patronum ut agat litem nostram; invocamus Judicem; vocamus adversarium; evocamus testem cujus distinctionis mentionem facit *CYJAC. in Paratit. c. de Adv. div. jud.*

Pa-

Patroni munus apud antiquos prudentissimos Romanos omnium rerum arbitros, prorsus vile & abjectum, è contra Advocati officium minime vile & abjectum videtur fuisse, sed laudabile potius vitæque hominum necessarium extitisse, attestatur ANASTASIUS Imperator in l. 4. C. de Adv. div. jud. dum dicit *principalibus præmiis operere remunerari*. Sed & JUSTINIANVS Augustus viros Clarissimos & Eloquentiæ lumina non veretur eos appellare l. 6. pr. C. eod. Quid? Imperatores LEO & ANTHEMIVS eos militibus comparandos censent in l. 14. c. d. r. Quorum verba ob excellentiam adscribere operæ pretium esse iudicavi: *Advocati*, inquit, *qui dirimunt ambigua fata causarum, suæque defensionis viribus in rebus sæpe publicis ac privatis lapsa erigunt, fatigata reparant, non minus provident humano generi, quam si præliis atque vulneribus patriam parentesque salvarent. Nec enim solos nostro imperio militare credimus illos, qui gladiis, clypeis, & thoracibus nituntur, sed etiam Advocatos: Militant namque causarum Patroni, qui gloriose vocis confisi munimine, laborantium spem, vitam & posteros defendunt.*

Huc alludit CICERO in somn. Scip. quòd majoribus sint efficiendi præmiis atque honoribus *Togati hi milites, quam ipsi armati, cum bella haud satis feliciter foris gerantur, nisi sedatis domi discordiis civilibus, & concordia inter domesticos procurata plantataque. Profecto si altiore mentis trutina dictum Ciceronis nec non Legum verba perpendamus, comparisonem inter bellum & iudicium verissimam fore animadvertemus:*

Quid quæso! similis bello quam lis & iudicium: in bello deliguntur Duces, in iudicio Advocati, ibi Dux
sub

sub se habet milites, hic Advocatos, Procuratores: bellum movetur ex variis causis, hic ex iisdem: in bello vigilantia opus: nonne vigilantibus iura sunt scripta? Utrouque pro aris & focis sanctis teclis conservandis pugnatur; hic penna, ibi bipenni, hic legibus, ibi legionibus, hic ex atramentario; Armati ferramentis, Togati argumentis: Armati pilo, Togati stylo: Armati missilibus, Togati consiliis: Armati hastis, Togati astu militant: hic verbis ibi verberibus: denique hic arte, ibi Marte; Neque tamen hanc comparationem mihi adscribo, sed Professori & Praeceptorum meo in eternum venerando DN. ORTWIN. WESTENBERGIO, Lugduni Batavorum Professore Excellentissimo, cui studiorum meorum profectus maxima ex parte me debere, lubens agnosco, ne in crimen plagii incidam, alienisque plumis me exornem; ab eo enim in privatis collegis carna hausi & retinui. Et quid aliud Tullius pro Murena innuere vult, Advocatus de nocte vigilat quo suis consultoribus respondeat; Sic miles ut mature quo intendit veniat: illum gallorum, hunc buccinae cantus exuscitat, ille actionem insituit, hic aciem insituit, ille cavet, ne sui Consultores, hic ne Castra aut urbes capiantur: ille scit ut aque pluviae, hic ut hostium copiae arceantur.

De Advocato Fisci.

Haec in genere de Advocatis praemissa sufficiunt: properemus ad Advocatum Fisci, qui etiam variis solet insigniri nominibus. Sic Patronus Fisci audit l. 13. C. de Adv. div. jud. l. 4. §. 6. & l. 5. pr. C. de Adv. 2. & passim: dicitur & Advocatus, Fisci t. 1. C. de Adv. F. Officium eorum Patronatus Fisci l. 17. pr. C. de Advoc. div. J. l. 3. §. f. C. de Adv. 2. Advocatio Fisci l. 4. C. Theod. de appell. Patro-

B

Patro-

Patrocinium rerum Fiscalium *l. 7. §. 4. inf. C. de Adv. s. Patroni ararii l. 8. C. eod.* Defensores Fisci *l. 3. C. Theod. de delat.* vocantur Syndici in causis criminalibus uti demonstrat CARPZ. *in proc. jur. tit. 5. art. 4. n. 17.* dum dicit: *sive enim Syndicum sive Fiscalem eum quis nuncupaverit parum errabit & in effectu constitutus erit Syndicus.*

Cui competat jus constituendi Fiscum ejusque Advocatum.

CONSTITUITUR autem Fiscus & ipsius Advocatus, directe à Principe nec non iis qui jure territoriali gaudent, KLOCK. *vol. 1. conf. 22. n. 55.* adeoque regalibus recte annumeratur, sic ut argumentari liceat: cui concessa sunt regalia, illi quoque jura Fiscalia concessa intelliguntur CRAVETT. *conf. 128. n. 4.* sive cui non competit potestas territorialis ei nec jus constituendi Fiscum PEREGR. *de J. F. l. 1. c. 2. n. 104.* Vi hujus territorialis Jurisdictionis Marcus Antoninus Philosophus tradente Julio Capitolino primum Patronum Fisci constituit, GAIL. *l. 1. obs. 20. n. 3.*

Quid ergo de civitatibus superiorem recognoscentibus seu municipalibus statuemus. Sane etsi negari nequeat, nonnullas civitates mediate imperio subjectas consuetudine vel privilegio jus Fisci impetasse, ut testantur DD. CRANTZ *vol. 4. varior. Jct. Germ. conf. 4. n. 24.* RCHTER *dec. 35. n. 4.* proprie tamen ipsis jus Fisci assignari non potest, quoniam Principis beneficio non ex propria persona eo jure gaudent; nec refragatur, quasdam civitates municipales merito & mixto imperio gaudere: Nam exinde plane non sequitur, his jura Fisci assignanda fore, ea enim

enim illatio absurda esset: coetero quin sequeretur, quod omnis, iste qui pollet mero & mixto imperio haberet jura territorialia, quod nequidem per somnium ulli in mentem venit: nihil siquidem commune habet cum Fiscij jure ZAHN *de J. munic. l. 2. c. 49. n. 18.* quod præjudicii confirmat MEV. *p. 5. dec. 322. add. COTHM. vol. 2. Resp. 55. n. 42.* Verum enim vero licet municipia Fiscum non habeant, tamen bursam seu cassam communem habent ZAHN. *de t. munic. c. 2. 42. n. 2. MEV. ad jus Lub. p. 123.* & inde à majori ad minus ita argumentantur: Quodcumque Fisco Principis non licet, illud multo minus burse municipiorum erit licitum, alleg. ZAHN. *d. tr. c. 55. n. 4.*

Quod si tamen civitas quadam privilegio, consuetudine, aut immemoriali tempore, sibi jura fiscalia comparaverit, poteritne Princeps hæc ei adimere? Verum quidem est subditorum privilegia esse velut spinas, quæ Imperantium imperia velut oculos confodiunt, at tamen non poterit Princeps jure hæc privilegia iis adimere nisi forte bello sibi subditos faciat, aut in poenam adimat.

In sensu autem maxime improprio, ad jura fisci refertur cujuslibet collegii seu corporis pecunia communis, quæ & appellatur Fiscus, quam Opifices in vernaculo idiomate salutant, die Lade der Gilden und Zunfft: Kästen. Quando semet invicem condemnant ad certam pecuniæ summam Fisco communitatis exsolvendam, ut sitata hæc inter eos formula id efferre consueverunt: *Dasß Cajus um seines Verbrechens und Handlung wider die Articul, so und so viel der Gilden Lade zu erlegen schuldig/* quod per experientiam in omnibus ferme locis constat, Cum autem Regalia sint duplicia

majora & minora, quid dicemus? an Fiscum ad Regalia
 majora an minora referemus? Ad minora cum Dn, MEV.
p. s. dec. 101. ea referenda putamus; tendunt quippe minora,
 ad utilitatem sive ad Fiscum reipubl. conservandum, *tot. tit.*
ff. & C. de J. F. BOGER. de Regal. 3. n. 6. Ut enim status
 publicus conservetur, & cives commode degant, Fisco opus
 est, uti argumentis satis stringentibus confirmat Impera-
 tor Justinianus, *in Nov. 8. c. 10.* cum dicit *propter inevita-*
bilem Fiscalium exactionem &c.

An & Ecclesia jura Fisci tribuemus? Affirm. *de Ju-*
re Can. per c. 10. X. de cler. un. resid. & glos. adv. 5. X. de
conces. praeb. lit. 9. imo ipsa Ecclesia pro Fisco in *c. 27.*
X. de sentent. excomm. Id alii extendunt ad scholas, Xe-
 nodochia & alia pia corpora v. KOPP. *cons. 40. n. 52. &*
seqq. An autem recte? v. KLOCK. *de contrib. c. 81. n. 176.*
seqq. Est insuper Fiscus imperii & Imperatoris generalis,
 qui totum respicit Imperium: cum vero non sim istius
 intentionis de ipso agere inspecie, hinc remitto Lecto-
 rem ad RHET. *J. 1. Publ. 1. tit. 4. & seqq.*

Quae sint requisita Advocati, ut & Advo- vocati Fisci.

Vidimus quis possit constituere Advocatum Fisci, sequi-
 tur ut de requisitis quaedam subjiciamus. Requiritur
 ad ipsius officium 1) ut solidis juris fundamentis sit imbutus:
 non enim aliter quis consortio Advocatorum sociandus.
l. 1 §. 1. C. de Adv. 1. 2) ut per quinquennium studii o-
 peram dederit *§. 5. ff. de concept. digest. const. omnem:*
 quod tamen hodie non amplius attenditur, sed quam lau-
 biliter

biliter in Mofarum castris quis militaverit *BRVNN. l. 3. §. 4. c. de Adv. div. jud.* Hinc in Camera Imperiali in Numerum Assessorum quoque recipiuntur, qui quinquennium non absolverunt, dum modo in approbata Germania in Academia studiis operam dederint, *Rec. imp. de An. 1654. §. 28.* Quod & in Advocatis Camerae per decretum Camerae receptum *de d. 30. Sept. 1627.* turpe vero esset causas oranti jus in quo versatur ignorare *l. 2. §. 43. ff. de O. J.* 3) Debet esse instructus testimonio Academico de fiducia studiorum, quod hodie fit per diploma Doctorale, *Durch die Doctors-Bulle* aut à Facultate quadam Juridica: deinde recipitur à Judice vel qui Jurisdictioni praest, in numerum Advocatorum praestito juramento.

Dividuntur in Ordinarios & Extraordinarios; Ordinarii dicuntur illi, qui in numerum constitutorum sunt recepti, veluti in Electoratu Brandenburgico ubi certus numerus est praefixus aliisque locis; Extraordinarii vel supernumerarii sunt illi de quibus Imperator mentionem facit, in *l. 11. §. 1. int. C. de Adv. 1. & l. 13. C. cod.* Hæc tam in Advocatis privatis, quam Fiscis requiruntur, ut & præterea integritas, modestia, & prudentia. Integritas tam in causa suscipienda quam defendenda merito spectatur, quia causam malam suscipere, & apparenter bonam, si eam improbam esse cognoverint, defendere prohibentur. Ipsum jus civile ideirco pro compescenda Advocatorum temeritate disposuit, ut in singulis causis post litis contestationem juramentum calumniae subire obstructi fuerint Advocati *l. 14. §. 1. C. de jud. §. 1. J. de pœn. rem. litig. l. 2. ff. de Jur. rei. propt. calumniae.*

Hodie vero dum assumuntur, initio muneris, ejusmodi

modi iuramentum præstant, ZOES. *ad tit. ff. de postul. n. 2.*
 & præcipue per *recess. Imp. de Ao. 1654. §. 43.* **Uber diß**
berordnen wir ic. Merito tamen improbamus constitu-
 tiones Provinciales, quæ singulis annis Juramenti reitera-
 tionem, in forma solenni requirunt, exigunt, & efflagi-
 tant, eo quod jus nostrum omnes actus frustratorios respu-
 at. In Saxonia iuramentum calumniæ generale in prin-
 cipio litis alias præstandum abrogatum est, ut nequidem
 partibus deferri possit. CARPZ. *in proc. Jur. Civ. tit. 12.*
art. 1. n. 7. seqq. videtur tamen eius vicem sufficienter sup-
 plere iuramentum ab Advocatis in receptione eorum præ-
 standum, dum jurare tenentur; **Daß sie keine Sache/ es**
seye dann / daß derselben Beschaffenheit von ihnen
wohl erwogen / diejenige aber / die sie böse und ungeo-
gründet befinden / gleich Anfangs von sich weisen wol-
len. Adeoque fallacias, fraudulentas cautelas & men-
 dacia, adhibere ipsis vi iuramenti interdictum est, quod
 & sacre comprobant literæ arg. *Matth. 5. n. 33.* Ut nec
 Adversario malis technis utenti, iisdem occurrant: quia
 ipsius delictum non potest efficere delictum Advocati
 licitum, teste VITRIAR. *ad Inst. §. 197. de offic. jud.* Nec
 causam clientis prodere *l. 1. §. 1. ff. de Prævar. l. 8. ff. de*
extraord. crim. nec suscepto patrocinio unius in castra al-
 terius transire licet, arg. *l. 1. §. 6. ad L. Corn. de fals. v. l.*
17. ff. de Jure Patron.

Modestia in eo consistit, ut Advocati ita præbeant
 patrocinia iurgantibus, ne in conviciendi licentiam pro-
 rumpant, & si non nulla ipsis objiciantur convitiâ perpen-
 dent illud SENECAE *lib. 4. de virt.* *Si Magnanimus fuerit,*
nunquam iudicabit tibi contumeliam fieri &c. & quod ju-
 ribus non convitiis pugnandum sit: Agant quod causa
 defi.

desiderat; temperent se ab injuria, nam si quis adeo pro-
 cax fuerit, ut non ratione sed probris putet esse certan-
 dum opinionis suæ imminutionem patietur *l. 6. §. 1. C. de postul. & Rabularum* instar erit, juxta illud *LYCIL. apud LACTANT. lib. 5. Rabularum iste venalis grex, huic uni solent studio se dedere & arti, verba dare, ut caute possint pugnare dolose, Blanditia certare, bonos simulare viros se, insidias facere, ac si hostes sint omnibus omnes: quorum vaniloquas linguas præcidendas esse tradit, BERN. l. 2. confid. ad Eugen.*

Quo ad prudentiam, maxime requiritur ut ad me-
 rita causarum animum probe advertant, eoque omnes
 juris & facti probationes, oratione brevi ac clara dirigant,
 nec multitudine allegationum chartas impleant, sed bre-
 viter & nervose ad causam facientia proponant, neque abu-
 tantur lingua latina v. *Hoch-Gräffl. B. L. O. tit. von Advocaten* in f. *Damit Richtere und Schoffen und die Partheyen selbe merita causarum und rechtliche Nothdurfft und Producten verstehen mögen / sollen die Advocaten die Lateinsche Sprache sparsam gebrauchen.*

Porro ne protrahant litem sive jurgium *l. 9. §. 2. ff. de offic. Proc.* nam hi olim Rabulæ ac moratores dicebantur, ut memorat *Cvjac. l. 4. C. 40. ut & Clar. Dn. ZAVNSCHLIFFERVS in dissert. de milite tog.* Quis nisi in Germania peregrinus nescit tam immanem in ea Rabularum esse multitudinem, quanta muscarum, pulicum, culicum & id genus bestiolarum divexandis hominibus ratarum in ætate: & paulo post dicit eum teste quodam Gallo, quantus talium Rabularum sit numerus in Gallia: in unica Gallia Lutetia plures sint Rabulæ, quam in universa Germania, quæ tamen duabus partibus Gallia regno major

major est. Sic loquitur cit. Celebr. ZAVNSCHLIF, de istis Rabulis: quia ut in Græcis artificibus Cytharædi fieri non possunt, Aulædi sunt, (Cic. pro Muræna) dum majores desperant honores, & simul durum domestica necessitatis telum stimulat, ad munus Procuraturæ, primo se conferunt, & aliorum scripta describunt, processu temporis cum jam aliquid in praxi observarunt, tum statim ad advocandum profiliunt v. alleg. HILAROP. *proc. p. 1. t. 19. n. 42.* Hanc praxin nudam & circumforaneam vocant; (& quid quæso absque fundamentis Academicis valeret?). Interdum scripta non absque Thesæo & ex alieno jecore elaborant, atque hastas ab aliis emanatas in adversam partem torquent, idque levissimo pretio, & sive causa sit pessima sive optima. Ex post desperatio & stultitia se hausit se dicitur ut inhient ad Magnificum titulum Doctoralem, non per templum virtutis sed opis ad honoris ædem ire volunt. O Doctores! inquam Legum Dolores! Qui plura de hac materia desiderat adeat *d. tract. de milit. tog.* ubi inveniet istius generis hominum descriptiones.

Dictum est supra Advocatum F. dividi in Generalem & Particularem; Ille dicitur qui Generali & Imperii Fiscæ patrocinator, & sæpius in *recess. imp. & ordin. Cam.* appellatur Procurator Fiscalis Generalis, *Kayserlicher Fiseal, it. unser und des Heil. Reichs Fiseal* &c. Hic qui à Statibus imperii vel à quolibet jura Fiscæ exercente ad patrocinandum constituitur, in quo boni Advocati requisita quam maxime postulamus & desideramus, & quidni? Anne Patronum Fiscæ olim ex Advocatorum gremio selegebant? *l. 1. pr. C. de Adv. 2.* Nonne publica majorem postulant curam, fidem, prudentiam & diligentiam prærebus privatis? Sic est: publica ideo privatis in omni jure præ-

preferuntur, huc collimat illud TACITI. *Habet aliquid ex iniquo omne magnum exemplum, quod utilitate publica rependitur.* jung. GROTIUS. *de J. B. ac P. l. i. c. 4. §. 4. n. 4.* Ubi late nostram confirmat sententiam; Ut & illud AV-
 ERONII *Parental.* in Latinum Euronium Advocatum quon-
 dam Fisci, qui nitido satis colore eum depingit dum di-
 cit:

Ore decens, bonus ingenio, facundus & omni,

Dexteritate vicens, præcipuus que fide,

Hoc prætexturæ sedes, hoc Illyris ora,

Præside te experta est; Fiscus & ipse Client.

Sunt & aliæ qualitates in Advocato Fisci spectandæ,
 nimirum innocentia morum, ne vitia quæ aliis objicit in ipso
 deprehendantur; Literarum peritia sit instructus, ne scilicet
 per ignorantiam quid admittat, quod publico ad privatis
 damnnum pariat; Quibusdam in locis etiam requiritur ut
 sit graduatus; Obstrictus sit juramento.

Caveat Fisci Advocatus pœnas metuens ne fiscalia
 commoda occultet, neve ullo negotio existente. Fiscus no-
 mine privatis calumnias inferat, nec commoda Fiscus dis-
 simulet, ne privatos vexet, aut prætextu Fiscalium lites
 suas exerceat, arg. *l. 6. §. 6. ff. de adm. tut.* cœteroque
 exinde nasceretur injuriarum occasio *l. 6. pr. c. unde vi.*
 Quem in finem Generali Imperii Fiscali à judice & Asses-
 soribus Cameræ duo Assessores tanquam Deputati adjan-
 guntur, quibus insciis aut non consentientibus, neminem
 ex causa fiscali seu civili convenire potest v. *O. Cam. p. t. t.*
16. §. 7. Si contra fecerit expensas parti adversæ ex pro-
 priis restituere obstrictus aliisque pœnis coercetur.

Coram quo Judice Causæ Fiskales sint ventilandæ.

His perspectis pauca de foro ubi res fiscales ventilari debent subjungenda sunt; hoc loco, puta in Comitatu Steinfurtenſi summariter de iis cognoscitur *vor der Hoch-Gräffl. Amt-Stubel* à qua fit remissio ad iudicium Aulicum, vulgo *Hof-Gericht* / si reus nolit confiteri, aut res causæ desideret cognitionem, idque sine distinctione utrum causa sit civilis an criminalis: sicque coram inferiore iudicio lites istæ ventilari non possunt, propter incompetentiam notoriam; Procedit autem Fiscus vel criminaliter vel civiliter; Causæ civiles sunt, quando ex iure in re vel ex iure obligationis Fiscus actionem suam instituit, in quibus regulariter summarie proceditur, nisi altiore indagine requirant, & contradictione partis in dubium vocentur, uti exempla extant in *l. 3. C. de conveniend. F. deb. l. 7. C. de J. F.* ut & *GAIL. lib. 1. obs. 20. n. 5. 6. 7. 8.* Criminalis autem quando ex delicto ad poenam afflictivam corporis aut ad poenam pecuniariam seu multam agit *GAIL. l. 1. O. 65. n. 4. add. MEY. p. 2. d. 302. n. 4.*

Officium Fisci circa acquisitionem in causis civilibus.

Quo ad acquisitionem ei 1) incumbit ut circa Regalia nonnulla minora oculum habeat ad ea tuenda. 2) Vindicat bona vacantia quæ Dominum non habent, qualia sunt eorum qui sine ullis heredibus ab intestato aut testamento existentibus decedant *l. 1. § 2. ff. de J. F. l. 1. § 1. C. de bon. vac.* germanicè *erblose Güther* dicuntur, ex

ex iis tamen satisfacere creditoribus defuncti, ob æs alienum tenetur *l. 11. l. 17. ff. de J. F.* utpote qui certant de damno vitando, Fiscus vero de lucro captando occupet deferta & inculca *l. 1. C. de bon. damn.* Ut & creptitia quæ indignis auferuntur, v. g. si quis aliquem testari prohibuerit aut coegerit KLOCK. *de arario l. 2. C. & 1. t. ff. & C. de his qui ut indign.* Commissa & res nullius, quatenus hodie Principes hæc suo Fisco adscripserunt, quo communiter Alluviones, Insulæ, piscationes etiam referuntur, ut sequelæ & appendices fluminum VINN. *Comm. ad §. 20. J. de Rer. div. n. 7.* nisi consuetudine aliud fuerit receptum, uti ex variis præjudiciis in Comitatu Benthemensi observatum nemini. Huc referemus Thesauri inventionem fortuitam, in loco publico vel religioso, & Fisco ob justam causam non statim indicatam *l. 1. pr. ff. de J. F.* Indigitamus autem talem locum religiosum in quo Fiscus jus habet, aut qui Fisci quodammodo est, puta quod ad Fiscum forte pervenerat *l. 6. ff. de J. F.* non qui in fundo alicujus privati est, de quo *§. 39. J. de rer. div.* loquitur, quod talis thesaurus inventus, inventori totus cedat. Quid autem de moribus dicendum? An statuendum cum GROTIUS *J. B. ac P. l. 1. C. 8. §. 7.* thesauros quocunque in loco repertos Fisco nunc cedere, privatisque nihil juris in his amplius competere? Merito dubitamus, tam propter incertam praxin quam quod nonnulli DD. jus commune in imperio nostro plerique in provinciis adhuc vigere statuunt v. HOPP. *comm. J. ad §. 39. J. de rer. div.* ibique in usu moderno.

Petit & jus detractionis de bonis alio migrantium, v. *R. l. de An. 1555. §. 24.* & RHET. *ad Inst. J. P. l. 2. t. 14. §. 1.* An vero hoc jus detractionis soli Principi competat ju-

ze Regalium, an & civit. municip. operose non inquirant. Hoc certissimum est, detractionis jus de consuetudine exigi, & exerceri ab omni eo qui jurisdictione præditus & munus est, cum sint fructus jurisdictionis GAIL. l. 2. obs. 36. n. 10. COTHM. conf. Acad. 19. n. 11. adeoque regalibus annumerari nequit, nec municipales ab eo jure arcentur, ita tamen ne decimationes plus æquo excedant; Inspiciendæ sunt consuetudines & statuta locorum, sic in Marchia quindena dari solet, BRVNN. ad L. F. C. de Ed. Div. Hadr. toll. in aliis locis quarta decima &c.

Officium Fisci circa Conservationem.

ADvocatus Fisci 1) reos in causa fiscali civili cogere potest ut edant instrumenta l. 2. §. 12. ff. de J. F. adeo ut in Camera ad eum effectum, ei quoque compulsoriales dentur in causis exemptionum & contributionum GAIL. l. 1. obs. 106. n. 11.

2) Debitorem debitoris sui convenire potest, nulla nominis cessione facta, quod secus est de jure communi, quo nemini sine cessione actio quaritur l. 8. C. de hered. vel act. vend. ita tamen Fiscus hoc indulgetur, si Principalis debitor deficiat, aut solvendo non fuerit, quia ceteroquin Fiscus erubescit alienum quid petere l. 3. §. ff. de J. F. quoniam electionem non habet l. 1. ff. de cono. F. deb. l. 47. ff. de J. F. vel ex ratione Fisci nomina facta liquido probentur, vel ex contractu fiscali debitores teneantur l. 3 l. 4. C. quand. F. vel priv. deb. l. 2. §. 2. ff. de J. F. l. 1. C. de cond. ex lege. Manent tamen debitori ex exceptiones quæ contra creditorem competeant, MEY. p. 8. dec. 240. succedit enim Fiscus in jus privatorum adeoque privato fruitur & ex petitur jure l. 6. ff. de J. F. non alio. 3. Ubi

3) Ubi Fiscus vendidit rem alienam & convenitur ab emptore nomine evictionis praestanda, aut promissi dupli aut tripli, à procuratore suo, pro evictione nihil praestat ultra simplum *l. 5. pr. ff. de p. F. SCHVITZ. comp. Lauterb. tit. ff. de p. F. p. m. 730.* ad quod regulariter alias venditor tenetur *l. 9. C. de evict.*

4) Vitia rerum scire non cogitur à se venditarum: hinc pati ædilitium edictum necesse non habet, procul dubio quoniam iurisdicctio ædilitium sese ad eum non extendit, favor tamen iste hodie vix attenditur.

5) Quod semper habeat jus pignoris ex causa tributorum & suorum contractuum non ex aliis causis *l. 7. C. de privil. F. l. 46. §. 3. ff. de p. F.* adeoque non in poenis *l. 27. 37 ff. d. 2.* Quin & iure prælationis gaudet, in bonis scil. post contractum non ante quæsitis *l. 28. ff. cod. graviter tamen videtur obstarè l. 21. ff. qui pot. in pign.* sed Bz. quod in hac L. Fisco cum privilegiata persona Seja quæ fuit minor 25. annis: adeoque exceptio continetur in *d. l. 27.* quæ firmat regulam in casibus non exceptis.

6) Non semper contra eum admittitur compensatio *l. 46. §. 4. ff. de p. F.* Sed qui compensationem opponit Fisco intra duos menses debitum sibi docere debet, alioquin compensatio non admittitur, excepta causa tributoria & stipendorum: item pretii rei à Fisco emptæ, & quod ex causa annonaria debetur, in quibus compensatio plane non admittitur *l. 1. 3. C. de compens.*

7) Fiscus pro suo interesse interveniens integram causam coram alio iudice coeptam trahit ad superius iudicium, eo quod habet iudicem proprium & specialem Procuratorem, nempe Cæsaris *tot. t. C. ob caus. F.* in absentia vero hujus Præsidentem. Quid vero moribus obtineat

docet Practicantium Digitor MEV. p. 4. dec. 135. n. 4. & supra à nobis adductum est.

8) Quod si quid in fraudem Fisci alienatum sit cum altero tanto revocatur l. 46. §. 1. ff. de 7. F. hoc est res ipsa & præterea aestimatio præstari debet BRUNN. ad d. l.

9) Quod emptor rei fisealis locationi à Fisco factæ stare debeat l. ult. ff. de 7. F. & conductores vectigalium in conductione olim inviti retineri potuerint l. ult. §. ult. de Publican. & vectig. Quod tamen correctum esse videtur per l. 3. §. 6. ff. de 7. F.

10) Quod nunquam satis dare cogatur l. 1. §. 18. ff. ut leg. nom. cav. nam semper censetur esse dives.

11) Quod feriato die in rebus fisealibus possit judicari l. 5. pr. C. de feriis. Denique quod causæ civiles intra tres menses à litis contestationis tempore sint finiendæ, exceptis criminalibus l. 2. §. 2. ff. de 7. F. Quod si Fiscus aut privatus heredes sint instituti, hic autem post aditam hereditatem impensas in eam adhuc communem bona fide fecerit, poteritne eas cum usutis ex mora à Fisco instituta, familiæ ereisundæ actione repetere? R2. Officium Advocati Fisci erat harum usurarum petitorum exceptione repellere: ratio fundata in generalitate textus l. 17. §. 5. 6. ff. de usur. Quod scilicet, uti Fiscus ex suis contractibus usuras non dat sed ipse accipit t. C. de F. usur. ita nec ex hoc quasi contractu arg. l. 16. ff. de neg. gest. Usuras impensarum licet ex mora, neququam debet; Hæc de causis civilibus dicta sufficiant cum brevitate studendum sit; confesso itaque me ad

Officium Fisci circa criminalia.

Cum corrupta hominis natura semper in malum inclinet, juxta illud vulgare; *nitimur invetitum semper cupimusque negata*; frenum cupiditatibus hominum injiciendum erat, quo à malo desisterent, quod fit legibus, proemiis & poenis, GROTIUS de J. B. ac P. l. 2. C. 20. §. 7. quo respicit illud LACTANTIUS l. 6. c. 19. *jubet Deus ut manus nostras super minores semper habeamus, hoc est ut peccantes eos, assiduè verberibus corrigamus, ne amore inutili & indulgentia nimia educentur ad malum, & ad vitia nutriantur: nec non illud Chrysostomi Nisi Rectores civitatum essent, ferociorem feris viveremus vitam, non mordentes, sed & vocantes alios atque alios*; Malitia ergo hominum poenis coercetur, poena autem est malum passionis, quod infligitur ob malum actionis.

Quomodo vero in gravioribus delictis contra Principem seu rempublicam commissis, Advocatus Fisci sese gerere debeat, primo loco examinabimus & trutinabimus; Ast cum hæc sint duplicia nimirum crimen perduellionis & Læsæ Majestatis, dicamus prius quale in crimine Perduellionis (quod adversus Principem seu rem publicam hostili animo committitur l. ult. ff. ad l. Jul. Maj. quo pertinent conjurationes ad evertendam rempublicam, nec non in necem & perniciem Principis directæ.) Advocati Fisci officium sit; Faciat igitur ille conclusionem seu perat ut tam ipse reus quam istius delicti conscius, poena gladii, aliove ultimo supplicio afficiantur l. 5. pr. l. 6. C. d. t. & memoria eorum post mortem damnetur §. 3. §. de publ. jud. l. 6. 7. 8. C. ad l. 7. M. Nov. 17. C. 12. Statuæ atque honores insignia detrahantur l. 24. ff. de poen. domusque dirua-

dituratur; liberis quoque ex paterno delicto perpetua in-
 hæreat infamia, & hæreditas ipsius vindicetur à Fisco l.
ult. ff. l. 5. §. 4. C. ad L. J. M. Quæ poena & antea apud
 Romanos obtinuisse videtur, testantibus DION CASSIO l.
 27. *Perduellionis reos in Campo Martio fuisse cruci affi-*
xos, ut & l. 37. in Reos conspirationis Catilinarie, ex sen-
tentia Catonis, Julii Caesaris & aliorum Senatorum. ca-
pitali supplicio fuisse animadversos habitis primo precibus
& litationibus: nec non PAVLO JEt. in l. 38. §. 1. ff. de
poen. j. l. 8. §. 2 ff. eod. cujus tempore transfugas ad ho-
 stias vel confiliorum proditores vel hostes Patriæ, humili-
 ores bestis objectos fuisse, cruci affixos vel vivos exultos,
 honestiores capite truncatos constat; licet non negem
 nonnullos DD. statuere, quod exactis Roman. Regibus
 poena tantum fuerit aquæ & ignis interdictionis, quam
 suspicionem etiam Cic. pro Rab. auget, dum dicit; *An de*
civibus Romanis contra L. Porciam necatis? Probabile
 tamen non est Legem Porciam indistincte sancivisse, ne
 quis civis Romanus capite plecteretur, sed ne id fieret in-
 jussu aut inconsulto populo. Hodie in *Const. Crim. Car.*
V. art. 1. 4. pro sexus diversitate, diversa quoque suppli-
 cii genera sunt constituta, viris quidem dissectio in qua-
 tuor partes, quandoque decollatio: mulieribus vero suffo-
 catio in aquis, una cum protractione per caudam equi vel
 forcipis igniti adustione: confiscatio insuper bonorum &
 memoriz Rei post mortem damnatio *Nov. 17. C. 11.* Fi-
 lii infamia notantur omnibusque successibus & hono-
 ribus excluduntur. Filix vero ex materna hereditate quar-
 tam capiunt. Quid autem dicemus si Principis imperii
 subditus committat crimen læsæ Majestatis in Imperato-
 rem; An Imperator an Princeps Imperii bona ipsius con-
 fisca-

ficabit? *¶* Etsi juxta *Aureæ Bullæ* dispositionem *c. 24.* pro Imperatore judicandum foret, attamen verior est sententia contraria pro Principe Imperii, quo ad bona quæ sunt in ipsius territorio, sicuti à Collegio Argentoratensi non sine ratione judicatum; quoniam per Capitulationem Gloriosissimi Imperatoris Josephi *art. 26.* hoc in casu *A. Bulla* mutata est, cum lex posterior deroget priori, quam poenam etiam in Saxonia receptam esse docet *CAREZ. prax. crim. p. 1. quæst. 41. n. 92.*

2) In Læsæ Majestatis crimine verò in specie (quod est si quis alio quocunque modo contra Majestatem Principis vel reipublicæ indirecè aliquid committit *l. ult. ff. ad L. J. M. l. ult. C. de Abol.*) Veluti si quis statuas Principis jam consecratas violaverit *l. 6. 7. §. ult. ff. ad L. J. M. Tacit. ann. l. 1. C. 72. & 73.* Si quis privatum carcerem habuerit *l. un. §. 1. C. de priv. Carcer.* vel falsam monetam cuderit *l. 2. C. de fals. Monet. ZIEGL. de jurib. Maj. l. C. 2. §. 13. seqq.* ubi & alia recenset exempla, Advocatus Fisci agere debet ad leviolem & mitiorem poenam, vel capitis vel deportationis vel relegationis *§. 3. J. de publ. Jud.* Quæ poenæ tamen ex gravitate criminis sunt determinandæ & mirum in modum variare possunt *l. 24. l. 40. ff. de poen. ad mortuum tamen liberosve non extenduntur l. f. inf. ff. arg. l. 5. pr. 1. C. ad L. I. M.* Huc etiam refertur Crimen quod in Majestatem Divinam committitur per Blasphemiam (i. e. quæ malevolo animo verbis vel factis ad conculcandum Dei honorem in Deum sunt prolata) quorum poena jure Nov. quidem erat capitalis *Nov. 77. C. 1. §. 2.* quamvis bona capropter Fisco non addicebantur, per *Recess. imp. de An. 1512. tit. 3. Von Gottslâßern §. 1.* attamen in corporis afflictivam, pro qualitate

personarum & blasphemiz etiam infamiz & capitalem sine bonorum confiscatione mutata est per *Rec. de An. 1530. & 1548. tit. von Gottes Schwestern und Fluchen. In art. Carol. 106.* ultimo supplicio afficitur & publicis Legibus Imperii alleg. loc. severe prohibetur: cum quibus locis etiam convenit *Noch Bräffl. B. L. O. p. 5. t. 1.* Contra Receptatores blasphemorum ad pœnam arbitriam quoque A. F. agere potest v. *GILH. ad art. cit. & seqq.*

3) Pœna adulterii (quod est vitiatio ejus que alteri nupta est, seu thori violati) de jure Divino fuit lapidatio *Lev. XX. v. 10. Job. VIII. v. 5.* De Jure Civ. autem pœna non semper fuit capitalis, cœteroquin à Diocletiano à Criminibus Capitalibus adulterium excipi non potuisset, *l. 18. C. de transact.* nec Augusto aut Antonino Caracalla imperante capitalis fuit, nec Pauli & Ulpiani J. C. temporibus *PAVL. l. 2. sentent. tit. 27. §. 13.* sed fuit relegatio à missio dotis & partis honorum; sub Constantino Imperatore vero coepit esse capitalis conf. *GERH. NOODT in tract. Dioclet. & Maxim. C. 15. & 19.* Quorsum brevitatis amore sit remissio; In *Institutionibus §. 4. de publ. Jud. l. 30. §. 1. ad. L. J. de Ad.* pœna gladii in Adulteros sancita est, ut & in *Const. Carol. art. 120.* quæ pœna se etiam ad Adulteram extendit in Saxonia per *Const. 19. p. 2.* Justinianus autem mitius cum foeminis procedere voluit, procul dubio ut placeret suæ Theodoræ, dum sustigari eos jubet & postea in Monasterium detrudi *Nov. 134. C. 10.* hodie pro dolor! pœna arbitraria statuitur *MENOCH. l. 2. arb. quest. Cos. 419. n. 74. & seqq. B. L. O. p. 5. t. 4. §. 7. §. 9.*

4) Admonet etiam commissum crimen incestus (qui est coitus illicitus contra reverentiam sanguini vel affinitati

rati debitam l. 6. l. ult. *Aurb. incest. C. de incest. nupt.*)
 Advocatum Fisci ut non tantum dotis datæ vel promissæ
 sed omnium bonorum deficiente legitima prole, petat
 confiscationem aut pro diversitate personæ fustigationem,
 vel relegationem inter collaterales scil. *CARPZ. p. 2. q. 73.*
 In Comitatu Benth. & Steinfurten si poena pecuniaria cum
 carcere temporaneo *B. L. O. t. 4. n. 5.* Inter ascenden-
 tes autem & descendentes in linea recta poenam gladii,
 adeo ut remissio conjugis nihil operetur: quod docet cum
 multis aliis *HARTM. PIST. l. 2. q. 13. n. 25.*

5) In crimine quod non proficit (scire, *(quod est illud
 quod cum bestiis vel aliis hominibus ejusdem sexus com-
 mittitur uti describitur in l. 31. C. ad L. Jur. de Adult.)*)
 juramentum gladio ultore. Nam jure divino id crimen
 fatis acriter vindicatum fuit *Lev. XX. v. 13.* jure *Carolino*
art. crim. 116. autem poena ignis statuta est: brutum quo-
 que in abominationem criminis è medio tollendum, dum-
 modo constet de corpore delicti, ejusque consummatio-
 ne *CARPZ. p. 2. q. 76. n. 50. seqq.* *Dn HOPP. in usu Mo-
 dern. ad §. 4. J. de publ. l.* non quod bestia etiam poena
 aliqua affici possit, sed quia crimen hoc adeo detestabile
 est, ut ne quidem memoria istius superesse debeat.

6) In simplici stupro *(quod consistit in carnali & il-
 licita conjunctione, cum virgine vel vidua alias honeste
 vivente l. 6. §. 1. ff. ad L. 1. de A. C. L. 34. pr. §. 1. ff. d. t.
 l. 12. ff. de V. S. agit Advocatus Fisci de jure civili ad pu-
 blicationem dimidiæ partis bonorum, in honestioribus, in
 humilioribus vero ad relegationem cum fustigatione aut
 alia coercitione corporis §. J. de publ. Jud. Ubi autem
 nondum commissum, sed attentatum, stuprator incidit in
 crimen extraordinarium l. 1. inf. ff. de extra. r. d. crim. Ho-*

die vero plerumque carceris aut pecuniaria vel alia arbitraria nisi violentum fuerit, quod capite plectitur *l. 3. §. 4. ff. ad L. J. de vi publ. j. l. 1. inf. ff. de extraord. crim. const. crim. art. 119. v. B. L. O. p. 5. t. 4. n. 1. 2. 3. & 6.* Si autem pupilla à tutore stuprata est, deportatur & bona ejus omnia confiscantur *l. un. C. si quis eam cuj. tut. fuer. coerc. & ibi BRVNN. FARIN. q. 147. n. 16.*

7) In raptu virginum seu mulierum (quando quis *scæminam vel virginem honeste viventem libidinis gratia rapit seu vi abducit art. 118*) petit Advocatus Fisci, ut non tantum ipse raptor, sed & illi qui auxilium præbent, mortis supplicio afficiantur *l. 5. §. 2. ff. ad L. J. de vi publ. §. 8. J. de publ. Jud.* Hodie tamen hæc poena est mitigata in poenam arbitrariam, si non violaverit raptam *CLASSEN. ad de art. inf.*

8) Bona eorum qui conscientia criminis convicti, sibi ipsis violentas manus intulerunt, sibi vindicat Fiscus *tot. tit. ff. & C. de bon. cor. q. ante sent.* Subjicimus, quod in dubio contra Fiscum sit pronunciandum, *KLOCK. vol. 2. conf. 185. n. 75.* ut & in poenis infligendis *WESENB. diss. 39. n. 78.* Possẽm adhuc plura delictorum genera hic recensere ac plenius deducere, in quibus Adv. Fisci jura Principis tueri debet, si disputationis modum non excedendum esse perpendifsem.

Jura & Prærogativæ Advocato Fisci competentia I.

ANtea cum egimus de Advocatis in genere, diximus quod debeant præstare juramentum calumniæ? Sed Advocatus Fisci si habeat causam Fiscalem non cogitur illud

lud iuramentum præstare, licet ab eo exigatur: quoniam
 necessitas agendi eum à calumnia excusat *Mev p. 6. dec.*
138. n. 3. KLOCK. vol. 3. conf. 191. quod & de consuetu-
 dine testatur *JOH. PETR. SYRD. dec. Mant. 18. n. 12.* forma
 pronunciandi ratione argumenti talis esse solet: *In der*
Emptionssachen ist der Fiscal des Jurements calumnia,
fürwendeter Einreden und Begehren unverhindert
hiemit erlassen/ GAIL. lib. 1. obs. 90. n. ult. Cæsaris enim
 & Imperii nomine ex generali mandato legis & constitu-
 tionis imperii causas peragit, & in iudicium deducit *l. 1. ff.*
de offic. proc. Cæs. Igitur talibus iuramentis ob Majesta-
 tem Mandantis gravari non debet: & alias calumniari
 non præsumitur is, quem officii necessitas excusat *l. 5. §.*
13. ff. de his quib. ut ind. GAIL. d. n. 4. qualitas etiam
 Personæ præsumptionem excludit *d. GAIL. n. 3.* quod enim
 expressè non mutatum quare stare prohibetur *arg. l. 6. C.*
de J. F. l. un. C. de Cond. & proc.

2) Si lite pulsatus fuerit, civilis aut criminalis qua-
 stionis obrentu non solvit sportulas *l. 7. §. fin. C. de Ad-*
voc. 2. Sed ab onere præstandarum sportularum immunis
 est *Cvjac. in Nov. 115. p. 115. in parat. C. tit. de sport.*
 Cum autem litem privatam habet, hoc privilegium ad
 hunc casum non extendendum, quia privilegia sunt stri-
 cti juris strictæque interpretationis, & in præjudicium ter-
 tii minime extendi debent *l. 2. §. 16. ff. ne quid in loc. publ.*
conf. GAIL. lib. 2. obs. 2. n. 14. Quamvis certum modum
 Imperator hic custodiri velit *in l. 3. §. inf. C. de Adv. 2.*
 nemini que præberi licentiam modum circa sportularum
 exactionem, contra eos excedendi. Sumpus autem in
 causa fiscali ex fisco suppeditandi sunt. *Juxta rec. imp de*
An. 1654. §. 13. inf. von Amts wegen auf des Fiscus Kos-
ten auerufen und verfahren.

3) Ha-

3) Habet forum privilegiatum de jure civili, etiam deposito officio & ejus heredes: nullius enim jurisdictioni est subiectus, nisi Comitis Orientis ut pote competentis iudicis *l. 3. §. fin. C. de Adv. 2.* Quis autem fuerit Comes Orientis enarrat *BRVNN. ad l. un. C. de offic. Com. Or.* Hodie autem ipsius Vidua & eorum liberi in Camera aut eorum iudicio Aulico seu supremo Principis Dicasterio conveniri debent, nisi se in alterius jurisdictionem conferant *v. Rec. imp. nov. §. 141. Ord. Cam. p. 1 tit. 49. p. 2.*

4) Liberi sunt à recipiendis hospitio militibus *l. 3. §. 2. C. de Adv. 2. l. 18. §. 30. ff. de muner. & hor.*

5) Liberi eorum extraneis ad idem officium adspirantibus gratis anteponuntur *l. 11. §. 1. l. 13. C. de Adv. 1. l. 3. §. 5. C. de Adv. 2.*

6) Salarium ipsi praestatur quod de jure civili erat quotannis sexaginta librarum auri *l. 6. pr. C. de Adv. 2.* inter duos tamen pari lance dividenda; Hodie autem in Camera salarium Procuratoris Fisci generalis, est mille & ipsius Advocati 57½ imperialium *Rec. imp. de An. 1654.* in aliis locis autem secundum mores eorum accipiunt salaria.

7) Liberantur à muneribus publicis e. g. tutela *§. 1. J. de excus. tut.* à Cohortis vel alterius vilioris conditionis nexibus *l. 8. C. de Adv. 1.* una cum liberis jam natis, vel postea procreandis *l. 2. C. de Adv. 2. l. 3. §. 3. C. d. 1.*

8) Olim durante officio honoris locum obtinebant inter spectabiles sacri Consistorii Principis Comites, postquam autem tale deposuerant officium, siquidem filios ingenuos habeant, eos Clarissimorum Notariorum inferi consortio *l. 4. §. 1. 2. C. de Adv. 2.* Quis autem sit Notarius Principis v. *BRVNN. ad d. L.* Hodie vero honores eorum

rum cum aliis recensitis privilegiis variat, v. RVITZ *de Lan-
guna de offic. Reg. Fisci* eiusque *præcedentia adversus
Secretarios*; Præcedentia tamen ipsis pro Doctoribus ju-
ris competit si sint graduati alias non.


9) Si quis Patroni Fisci adeptus gradum fatalem diem
obierit totum salarium annuum heredibus competit *l. 15.
§. 1. C. de Adv. 1. COTHM. resp. Acad. n. 6,*

10) Non possunt cogi ad præstandum aliis patrocinium,
nequidem finito eorum officio, ut cæteri Advocati
arg. l. 13. C. de Adv. 1.

11) Suos, filiorum & parentum suorum causas vel
pupillorum quorum tutelam gerunt, causam & adversus
Fiscum agere non prohibentur *l. 10. ff. de postul. de reli-
quis juribus v. l. 4. l. 6. C. de Adv. 2.* In cæteris B. L. ad
PEREGR. *tract. de J. F.* aliosque Commentarios remitti-
mus, qui elegantissime hanc materiam illustrarunt;

Hisce itaque pro ingenii modulo & temporisatione
deductis, Deo omnis boni, auctori & fonti sempiternam glo-
riam nuncupantes, huic discursui Academico imponimus

F I N E M.



Dum

Dum Tua IKENE animat tacitas facundia chartas,
 Et das ingenii nobilioris opus
 Insumpti studii non nescia nostra Thalia,

Hoc IKENE tibi carmine vota facit,
 Sic perge & tanges exerto vertice coelum,
 Afflabit votis aura secunda Tuis

Omen inest cœptis, cerno, felicibus ingens

Ter mihi Cyllenia plaufit ab arce Deus,

Viro Consultissimo & Amicissimo Domino Do-
 ctorando sic applaudens gratulab.

Joh. Frid. Hombergk zu Bach/
 Prof. Jur Ord.

Quisquis, undasque timet spinasque roseti,
 Non mel, non pisces, non feret ille rosas

Omnia venduntur conatibus ardua pulchra.

Hæc virtutis iter, qui bene calcat haber.

Accipe mercedis DOCTOR! post dura coronam,

Est virtutis opus. Præmia tanta dare

Fiscarii TVFOR IKEN! sis fulminis Jctus,

Impiis & falsis. Sed bonus esto bonis.

Qui nimis est facilis dux, & placabilis iræ,

Cultor justitiæ, non solet esse bonus,

Sic age, sic pergas, per fellea multa meando,

Mellea sic tandem, jure tenere potes,

Vive diu felix! floret tua messis in herbis,

Semper amicus eris, totus amicus ero.

Viro Consultissimo ARNOLDO IKENIO, J. U. Candi-
 dato, per totum Comitatum Steinfurtensem Fiscarii
 Advocato, cum Doctoralis gradus honoribus deco-
 rabatur, sic vovebat & favebat

Joh. Bernh. Grimmelius,
 S. S. Theol. Prof. Ord. nec non Aulæ &
 Ecclesiæ Steinfurtenfis Pastor.

Marburg, Diss., 1725-30


ULB Halle

004 165 535

3



Sb.





DISPUTATIO JURIDICA INAUGURALIS, 24
DE

ADVOCATO
FISCI, 1727.3
EJVSQVE OFFICIO, 11

QVAM
DECRETO ET AVCTORITATE
AMPLISSIMI & EXCELLENTISSIMI
JVRISCONSVLTORVM
ORDINIS,

IN ILLVSTRI HAC ACADEMIA
MARPVRGENSI,

PRO
SVMMIS IN VTROQVE JVRE HONORIBVS ET
PRIVILEGIIS DOCTORALIBVS RITE CONSEQVENDIS,
PVBLIGÆ AC SOLENNI

SENATVS ACADEMICI

CENSVRÆ SVBICIT,
AD DIEM AVG. M. DCC, XXVII,
H. L. C.

ARNOLDVS IKEN, Bremensis,

MARBVIRGI CATTORVM,
TYPIS PHILIPPI CASIMIRI MÜLLERI, ACAD. TYPOGR.